



Broj: 04-40-1-16/25
Sarajevo, 17.01.2025. godine

Na osnovu dobivenih i obrađenih informacija od: općinskih operativnih centara civilne zaštite, Federalnog hidrometeorološkog zavoda, JU Zavoda za hitnu medicinsku pomoć Kantona Sarajevo, JU Zavod za javno zdravstvo Kantona Sarajevo, MUP-a Kantona Sarajevo, BIHAMK-a i drugih struktura zaštite i spašavanja formiranih na području Kantona Sarajevo, dojava građana, a u skladu sa članom 152. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, br. 39/03, 22/06 i 43/10) i čl. 14., 17. i 19. Pravilnika o organiziranju i funkcioniranju operativnih centara civilne zaštite („Službene novine Federacije BiH“, broj 9/19) dostavljamo Vam:

REDOVNI IZVJEŠTAJ
za period od 08:30 sati 16.01.2025. do 08:30 sati 17.01.2025. godine

Kantonalna uprava civilne zaštite Kantona Sarajevo: Pripadnici Profesionalne vatrogasne jedinice Kantonalne uprave civilne zaštite Kantona Sarajevo u izvještajnom periodu imali su veću intervenciju u 00:33 sati u ulici Halid-bega Hrasnice br.32 gdje je gorio krov kuće. Požar lokalizovan u 01:28 sati te ugašen u 03:13 sati. Na gašenju požara učestvovalo 10 vatrogasaca sa 3 vatrogasna vozila. Također, imali su i 4 manje intervencije i to: jedna intervencija na gašenju zapaljenog dimnjaka, jedna intervencija na gašenju zapaljenog smeća u kontejneru i 2 intervencije po dojavi o pojavljivanju dima u strambenom objektu.

Općinski operativni centar civilne zaštite Stari Grad: Općinski štab civilne zaštite Stari Grad organizovao je 24-satno osmatranje terena na ugroženim područjima od klizišta, lokalitetima Curine njive i Bistrički potok u cilju ranog upozoravanja ugroženog stanovništva i njihove eventualne evakuacije. Uposlenici Službe civilne zaštite Općine Stari Grad Sarajevo i pripadnici službi zaštite i spašavanja Općine Stari Grad Sarajevo, izlaskom na navedene lokacije dana 16.01.2025. godine, utvrdili su slijedeće stanje:

1) Lokalitet "Curine njive" – Opština Istočni Stari Grad i Opština Stari Grad Sarajevo (Bostarići)

Izlaskom na lice mjesta dana 16.01.2025.godine uočeno je da su na terenu i dalje prisutne duboke pukotine te su uočena nova oborena stabla ispod dijela igrališta kao i da dolazi do konstantnog priliva vode jačeg intenziteta na lokalitet "Curine njive-igralište", koji stvara djelomičnu plavnu livadu koja uslijed temperaturnih oscilacija dovodi do pojave leda.

U gornjem dijelu odloženog materijala/nasipa nisu uočene pojave vode ili konstantan priliv vode u tijelo klizišta. Na predmetnom ugroženom terenu nisu konstatovani stalni tokovi vode. Povremeni bezimni potok se blago usjekao u centralnom i donjem dijelu padine/nasipa, a u dijelu njegovog korita na kratkom rastojanju od par metara se isti gubi infiltrirajući se u pukotine tijela klizišta.

Ranijim mjerenjem količine vode koja se pojavljuje u istočnom boku odloženog materijala/nasipa izmjereno je 2,2 l/min (mjerenja izvršena od strane stručnih lica "Rudarskog Instituta" d.d. Tuzla za potrebe investitora "Park ruža" d.o.o. Tuzla). Pojave vode u zapadnom dijelu klizišta neposredno ispod nasipa ne može se tačno utvrditi. Ove vode prodiru u tijelo klizišta i slabe otporne karakteristike tla duž klizne plohe (pretpostavka je da se ista javlja iz podzemnih kaptaža koje trpe pritisak zemlje odnosno građevinskog materijala sa nasipa).

U dijelu ispod lokaliteta "Curine njive-igralište" (dio Općine Stari Grad Sarajevo) vidljivo padanje nekolicine novih stabala te osipanje zemlje na mjestu ranijih pukotina.

Na predmetnom lokalitetu vrši se 24-satno osmatranje terena od strane uposlenika Službe civilne zaštite Općine Stari Grad Sarajevo kao i službi zaštite i spašavanja Općine Stari Grad Sarajevo u cilju ranog upozoravanja ugroženog stanovništva i njihove evakuacije kao i upozoravanja Operativnog centra Općine Stari Grad Sarajevo, Općinskog štaba civilne zaštite Općine Stari Grad Sarajevo i službi zaštite i spašavanja Općine Stari Grad Sarajevo te Operativnog centra Kantonalne uprave civilne zaštite Kantona Sarajevo.

2) Lokalitet "Knjeginjac" – Opština Istočni Stari Grad

Izlaskom na lokalitet "Knjeginjac" dana 16.01.2025.godine uposlenici Službe civilne zaštite Općine Stari Grad Sarajevo utvrdili su da se na predmetnom lokalitetu *ne vrši* odlaganja nove količine zemljanog i kamenog materijala odnosno da se ne izvode nikakvi građevinski radovi.

Također je utvrđeno da je od strane Opštine Istočni Stari Grad u ranijem periodu postavljen dio metalnih stubova i zaštitne ograde koje ima za cilj sprječavanje eventulanog odlaganja nove količine zemljanog i kamenog materijala. Na deponiji kod objekta u izgradnji objekta "Trebević Hills" nisu vidljiva nova odlaganja građevinskog, niti drugog materijala.

3) Lokalitet Bistrički potok – Opština Stari Grad Sarajevo (Boguševac) i Opština Istočni Stari Grad

Izlaskom na lice mjesta dana 16.01.2025.godine uočeno je da je korito Bistričkog potoka i dalje djelimično zasuto materijalom sa deponije, obrušenim stablima te ranije isječenim stablima. Nisu uočena nova obrušavanja materijala sa deponije u vidu zemljano-kamenog materijala i stabala niti je uočeno da je vršeno uklanjanje ranije odloženog zemljano-kamenog materijala i stabala. Uslijed snježnih padavina nije moguće utvrditi tačno stanje korita Bistričkog potoka.

Na predmetnom lokalitetu vrši se 24-satno osmatranje terena od strane uposlenika Službe civilne zaštite Općine Stari Grad Sarajevo te se informacije dostavljaju dežurnom Operativnom centru.

4) Naredba Štaba civilne zaštite Kantona Sarajevo o evakuaciji stanovništva sa ugroženog područja Općine Stari Grad, broj: 08-40-1128-2/24 od 01.11.2024.godine i broj: 08-40-1128-2.1/24 od 20.11.2024.godine

Postupajući po Naredbi Štaba civilne zaštite Kantona Sarajevo o evakuaciji stanovništva sa ugroženog područja Općine Stari Grad, broj: 08-40-1128-2/24 od 01.11.2024.godine, uposlenici Službe civilne zaštite Općine Stari Grad Sarajevo redovno vrše obilazak stambenih objekata i građana ulica Bostarići, Ablakovina i Ablakovina čikma.

U skladu sa Planom evakuacije i zbrinjavanja stanovništva u slučaju procjene da može doći do prirodnih ili drugih nesreća ili da je proglašeno stanje prirodne ili druge nesreće na području Općine Stari Grad Sarajevo - lokalitet MZ "Širokača", ulica Bostarići i Ablakovina, broj:12-40-222-87/24 od 30.10.2024.godine, te Izmjenama i dopunama Plana evakuacije i zbrinjavanja stanovništva u slučaju procjene da može doći do prirodnih ili drugih nesreća ili da je proglašeno stanje prirodne ili druge nesreće na području Općine Stari Grad Sarajevo - lokalitet MZ "Širokača", ulica Bostarići i Ablakovina, broj:12-40-222-96/24 od 06.11.2024.godine, a koje je donio Općinski štab civilne zaštite Općine Stari Grad Sarajevo, uposlenici Službe civilne zaštite i Službe za poslove mjesnih zajednica Općine Stari Grad Sarajevo poduzimaju daljnje aktivnosti za smještaj stanovništva sa ugroženog područja u dostupne smještajne jedinice koje su osigurane posredstvom Općine Stari Grad Sarajevo.

Nakon obilaska terena i stambenih objekata na navedenom lokalitetu od strane uposlenika/sekretara Službe za poslove mjesnih zajednica, na dan 16.01.2025.godine, utvrđeno je sljedeće:

1. Osobe koje su smještene u dostupne smještajne jedinice koje su osigurane posredstvom Općine Stari Grad Sarajevo i Kantona Sarajevo (SOS Sela u BiH): 20 porodica - 59 lica
2. Osobe koje će biti smještene u narednim danima u dostupne smještajne jedinice koje su osigurane posredstvom Općine Stari Grad Sarajevo - naselje Bulevar Stup): 2 porodice - 6 lica
3. Osobe koje su odbile predloženi smještaj: 24 porodica - 89 lica
4. Osobe koje su saglasne sa evakuacijom (ali samo u slučaju „pokretanja klizišta“): 6 porodica - 18 lica
5. Osobe koje žele biti evakuisane, ali je za njih potrebno pronaći dodatne smještajne jedinice: 11 porodica - 23 lica
6. Sa evakuacijom nisu saglasne: 23 porodice - 67 lica.

Postupajući po Naredbi Štaba civilne zaštite Kantona Sarajevo o evakuaciji stanovništva sa ugroženog područja Općine Stari Grad, broj: 08-40-1128-2/24 od 01.11.2024.godine te Naredbi broj: 08-40-1128-2.1/24 od 20.11.2024.godine, Općinski Štabovi civilne zaštite Centar Sarajevo i Novo Sarajevo, kao i službe civilne zaštite navedenih općina, su u toku dana 16.01.2025.godine u sklopu redovnih aktivnosti pružili neophodnu stručnu podršku Službi civilne zaštite Općine Stari Grad Sarajevo.

Iz ostalih općinskih operativnih centara civilne zaštite s područja Kantona Sarajevo, kao i od drugih davalaca informacija nisu dobivene relevantne informacije koje se odnose na prirodne nesreće ili druge pojave koje ugrožavaju živote i zdravlje ljude, kao i materijalna i kulturna dobra.

Elektrodistribucija Sarajevo: Snabdijevanje potrošača električnom energijom na području Kantona Sarajevo je uredno, osim pojedinih područja koja su bila planski isključena zbog izvođenja neophodnih radova na održavanju energetskih postrojenja.

KJKP Sarajevogas: Svi potrošači u Kantonu Sarajevo su uredno snabdjeveni prirodnim gasom.

KJKP Vodovod i kanalizacija: Vodosnabdijevanje u Kantonu Sarajevo je uredno, osim u dijelovima pojedinih naselja gdje se vrše planske popravke kvarova na vodovodnoj mreži.

Federalni hidrometeorološki zavod: Jutros u 08:00 sati temperatura u Sarajevu na mjernoj stanici Bjelave je iznosila -3°C, vlažnost zraka 80%, barometarski pritisak 961,9 hPa.

BIHAMK: Saobraćaj se na području Kantonu Sarajevo odvija uredno, osim na dionicama gdje se izvode planirani radovi saobraćaj se odvija po posebnom režimu.

Prema informacijama prikupljenih od dežurnih dispečera i informativnih službi **KJKP GRAS, Centrotrans – Eurolines d.d. i JP Željeznice Federacije BiH**, gradski, međugradski i željeznički saobraćaj se odvijaju po redu vožnje.

PO OVLAŠTENJU DIREKTORA
ŠEF CENTRA

Fahrudin Pribišić

Dostavljeno:

- Predsjedavajućem Skupštine Kantona Sarajevo
- Premijeru Kantona Sarajevo
- Direktor KUCZ Kantona Sarajevo
- Komandantu Štaba CZ Kantona Sarajevo
- Federalnom operativnom centru civilne zaštite
- a/a